

«19» 07 2019թ.
N 76-Ղ

«26» հուլիսի 2019թ.
N 234-Ղ

ՀԱՄԱՏԵՂ ՀՐԱՄԱՆ

Կառավարական քաղաքային հեռախոսակապի ծառայություններ մատուցելու մասին

Ի կատարումն ՀՀ Կառավարության 2011թ. սեպտեմբերի 22-ի N1500-ՆԳ որոշման, ղեկավարվելով «Ազգային անվտանգության մարմինների մասին» ՀՀ օրենքի 26-րդ հոդվածով և ՀՀ Կառավարության 2018թ. հունիսի 15-ի N706-Ն որոշման 1-ին կետով հաստատված «Բյուջեների կատարման կարգի» 38-րդ կետի պահանջներով՝ ՀՀ շրջակա միջավայրի նախարարությանը կառավարական քաղաքային հեռախոսակապով ապահովելու և սպասարկելու նպատակով՝


ՀՐԱՄԱՅՈՒՄ ԵՆՔ

1. ՀՀ ազգային անվտանգության ծառայությունը ՀՀ շրջակա միջավայրի նախարարությանը մատուցում է կառավարական քաղաքային հեռախոսակապի ծառայություններ (այսուհետ՝ «Ծառայություններ»), իսկ ՀՀ շրջակա միջավայրի նախարարությունը վճարում է այդ Ծառայությունների դիմաց՝ սույն համատեղ հրամանով սահմանված կարգով:
2. Սույն համատեղ հրամանով նախատեսված պահանջները տարածվում են կողմերի միջև 2019թ. հուլիսի 1-ից ծագած հարաբերությունների նկատմամբ:
3. **ՀՀ ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅՈՒՆՆ ԱՊԱՀՈՎՈՒՄ Է.**
 - 1) Ծառայությունների որակյալ, անխափան մատուցումը և սույն համատեղ հրամանով նախատեսված պարտավորությունների կատարումը,
 - 2) կապի միջոցների անխափան աշխատանքը և վնասվածքների ժամանակին վերացումը,
 - 3) ՀՀ շրջակա միջավայրի նախարարությունում տեղադրված կապի միջոցների և բաժանորդային գծի անվտանգությունն ապահովող հատուկ միջոցառումներ՝ գաղտնի տեղեկատվության արտահոսքը կանխելու նպատակով,
 - 4) կառավարական կապի միջոցների տեղադրումը, վերատեղադրումը և ծառայությունների մատուցումն ու դրանց հետ կապված աշխատանքների կատարումը՝ ՀՀ շրջակա միջավայրի նախարարության կողմից վճարման պարտավորության մասին գրավոր հայտ ներկայացնելուց հետո,
 - 5) կառավարական քաղաքային հեռախոսակապի անջատումը, եթե ՀՀ շրջակա միջավայրի նախարարությունը չի կատարում Ծառայությունների դիմաց բաժանորդային վճարումը՝ ըստ սույն համատեղ հրամանի 4-րդ կետի 4-րդ ենթակետի:
4. **ՀՀ ՇՐՋԱԿԱ ՄԻՋԱՎԱՅՐԻ ՆԱԽԱՐԱՐՈՒԹՅՈՒՆԸ ԱՊԱՀՈՎՈՒՄ Է.**
 - 1) ՀՀ ազգային անվտանգության ծառայության կապի հանգույցից մինչև իր աշխատասենյակները առանձին մալուխային գծի շարքից դուրս գալու դեպքում վերանորոգման աշխատանքների ծախսերը՝ ըստ կառավարական կապի միջոցների շահագործման հատուկ պահանջների,
 - 2) կառավարական կապի միջոցների շահագործման հատուկ պահանջների կատարումը և այն աշխատասենյակների պահպանումը, որտեղ տեղադրված են այդ միջոցները,
 - 3) իր մոտ տեղադրված կապի միջոցների պահպանումը:

№	ՏԵՂԱԴԻՄԱՆ ՎԱՅՐԸ	Կառավարական քաղաքային կապ	Ընդամենը
1.	ՀՀ շրջակա միջավայրի նախարարությունը նախարարի աշխատասենյակ	1 x 225 000	225 000
	կապի անվտանգությունն ապահովող հատուկ ծառայություններ	1 x 100 000	100 000
	ընդամենը տարեկան վարձը		325 000
Երեք հարյուր քսանհինգ հազար դրամ			

- 4) բաժանորդային վճարումների փոխանցումը ՀՀ ազգային անվտանգության ծառայության հաշվարկային հաշվին՝ ոչ ուշ, քան եռամսյակը մեկ ԱԱԾ-ի կողմից ներկայացված փաստաթղթերի հիման վրա: Վճարումները կատարվում են ՀՀ դրամով:
- 5) իր մոտ տեղադրված հատուկ կապի միջոցների վերադարձը ՀՀ ազգային անվտանգության ծառայությանը՝ տեխնիկապես սարքին վիճակում՝ Ծառայության մատուցումների վերջնական դադարեցումից անմիջապես հետո,
- 6) ՀՀ ազգային անվտանգության ծառայությանը պատկանող կապի միջոցների արժեքի փոխհատուցումը՝ ըստ կազմված համապատասխան ակտի, եթե դրանք կորստի են մատնվել իր մեղքով:
5. Ուժը կորցրած ճանաչել ՀՀ ազգային անվտանգության ծառայության և ՀՀ բնապահպանության նախարարության 2011 թվականի դեկտեմբերի 14-ի N75-Ա համատեղ հրամանը:

ՀՀ ազգային անվտանգության ծառայության
տնօրենի տեղակալ



Ա. Հակոբյան

ք. Երևան, Նալբանդյան 104
ՀՀ Ֆին. նախ. գործառնական վարչության
համայնքների և պետական հիմնարկների
բյուջեների հաշվառման բաժին
h/h 900018301011
հվհհ 01507079



ՀՀ շրջակա միջավայրի
նախարար



Է. Գրիգորյան

ք. Երևան, Հանրապետության հրապարակ,
Կառավարության 3-րդ շենք
ՀՀ Ֆին. նախ. գործառնական վարչության
համայնքների և պետական հիմնարկների
բյուջեների հաշվառման բաժին
h/h 900011018646
հվհհ 02507198

Կ.Տ.

Տեղեկատվական անվտանգության և կառավարական կապի գլխավոր վարչություն _____ հեռախոս՝ 1-99

